

Board of Intermediate and Secondary Education

Barisal

www.barisalboard.gov.bd

E-mail:barisalboard@gmail.com



SSC SCHOLARSHIP – 2014

মাধ্যমিক ও উচ্চমাধ্যমিক শিক্ষাবোর্ড, বরিশাল

www.barisalboard.gov.bd

E-mail:barisalboard@gmail.com

”বিজ্ঞপ্তি”

নম্বর : মাধ্য/বৃত্তি/২৪

তারিখ : ১৬/০২/২০১৫

খ্রিস্টাব্দ

বিষয় : ২০১৪ সালের মাধ্যমিক স্কুল সার্টিফিকেট পরীক্ষার ফলাফলের ভিত্তিতে ” বোর্ড ভিত্তিক মেধাবৃত্তি এবং জেলা ভিত্তিক সাধারণ সাধারণ বৃত্তি” প্রদানের নিমিত্তে চূড়ান্ত তালিকা প্রকাশ।

গণপ্রজাতন্ত্রী বাংলাদেশ সরকারের মহাপরিচালক মাধ্যমিক ও উচ্চ শিক্ষা অধিদপ্তর, বাংলাদেশ, ঢাকা এর ২২.১২.২০১৪ খ্রিস্টাব্দ এর স্মারক নম্বর:ওএম/০৬-মেধাবৃত্তি/২০১২/৩৯০৬/১১ এবং শিক্ষা মন্ত্রণালয় কর্তৃক জারীকৃত নীতিমালা স্মারক নং- ৩৭.০০.০০০০.০৭১.০৮.০০১.০৫-৭৪১, তারিখ : ১৪.০৮.২০১৪ মোতাবেক বরিশাল মাধ্যমিক ও উচ্চমাধ্যমিক শিক্ষাবোর্ডের ২০১৪ সালের মাধ্যমিক স্কুল সার্টিফিকেট পরীক্ষার ফলাফলের ভিত্তিতে নিম্নে বর্ণিত ছাত্র/ছাত্রীদের বোর্ড ভিত্তিক মেধা বৃত্তি এবং জেলা ভিত্তিক সাধারণ বৃত্তি প্রদান করা হ'ল। সরকারি নিয়ম ও নীতিমালা অনুযায়ী এই বৃত্তির তালিকা প্রণয়ন করা হয়েছে। উক্ত বৃত্তিগুলি প্রদানের সময় নিম্ন লিখিত নিয়ম ও নীতিমালা অবশ্যই মেনে চলতে হবে।

- ১। বৃত্তির গেজেটে বৃত্তি প্রাপ্ত ছাত্র/ছাত্রী যে শিক্ষা প্রতিষ্ঠান থেকে পরীক্ষায় অংশগ্রহণ করেছে/উত্তীর্ণ হয়েছে, সে প্রতিষ্ঠানের নাম গেজেটে উল্লেখ করা হয়েছে। প্রতিষ্ঠানের অধ্যক্ষ বা প্রধান শিক্ষকের সার্টিফিকেট প্রদান সাপেক্ষে ভর্তিকৃত প্রতিষ্ঠান থেকে বিধি মোতাবেক বৃত্তির অর্থ উত্তোলন করবে।
- ২। বৃত্তিপ্রাপ্ত ছাত্র/ছাত্রীদের অবশ্যই বাংলাদেশের নাগরিক হতে হবে।
- ৩। বৃত্তিগুলি সংশ্লিষ্ট ছাত্র/ছাত্রীদের সং স্বভাব এবং লেখা পড়ায় সন্তোষজনক অগ্রগতির শর্ত সাপেক্ষে বিবেচিত হবে।
- ৪। সকল বৃত্তিদারীই এককালীন অনুদান(গ্রান্ড) ভোগ করতে পারবে।
- ৫। সকল বৃত্তিপ্রাপ্ত ছাত্র/ছাত্রী অবশ্যই বিনা বেতনে পড়বার সুযোগ লাভ করবে।
- ৬। এই বৃত্তিগুলির মেয়াদ ২০১৪ সালের জুলাই মাস হতে ২০১৬ সালের জুন মাস পর্যন্ত ২ (দুই) বৎসর। কেবল মাত্র নিয়মিত ছাত্র/ছাত্রীই বৃত্তি পাবার যোগ্য। কোন অনিয়মিত ছাত্র/ছাত্রীদের বৃত্তির অর্থ যাতে উত্তোলিত না হয় সে বিষয়ে হিসাব রক্ষণ কর্মকর্তাসহ সংশ্লিষ্ট সকলকে শতর্ক থাকার জন্য অনুরোধ করা হ'ল।
- ৭। পরিশিষ্ট 'ক' তে বোর্ড ভিত্তিক মেধাবৃত্তি এবং জেলা ভিত্তিক সাধারণ বৃত্তির মাসিক হার, এককালীন অনুদান এবং বৃত্তির সময়সীমা উল্লেখ করা হয়েছে।
- ৮। কোন ছাত্র/ছাত্রী পরীক্ষার ফলাফল অনুসারে বৃত্তি পেয়ে যদি পরবর্তীকালে সরকার অনুমোদিত নির্দিষ্ট বৃত্তি ব্যতিরেকে অন্য কোন কারিগরি বা পেশাগত প্রতিষ্ঠান হতে অন্য কোন বৃত্তি লাভ করে তবে সে দু'টি বৃত্তিই ভোগ করতে পারবে।
- ৯। সকল বৃত্তিতে মেয়েদের জন্য ৫০% কোটা সংরক্ষণ করা হয়েছে।
- ১০। বৃত্তি সংক্রান্ত অন্যান্য শর্তাবলী সরকারের অনুমোদনক্রমে মহা-পরিচালক কর্তৃক আরোপিত হতে পারে।
- ১১। বৃত্তিপ্রাপ্ত ছাত্র/ছাত্রীকে অবশ্যই কোন অনুমোদিত শিক্ষা প্রতিষ্ঠানে ভর্তি হতে হবে।

- ১২। কোন ছাত্র/ছাত্রী ছাড়পত্র নিয়ে অন্য শিক্ষা প্রতিষ্ঠানে ভর্তি হলে শেষোক্ত শিক্ষা প্রতিষ্ঠানের প্রধান উক্ত ছাড়পত্রের অনুলিপি এবং বৃত্তির টাকা উঠানো ও প্রদান সম্পর্কিত পূর্ণ বিবরণসহ, কোন তারিখ হতে কোন তারিখ পর্যন্ত বৃত্তির টাকা উঠিয়ে বিতরণ করা হয়েছে বা উঠানো হয় নাই তার তথ্য বর্তমান ভর্তিকৃত প্রতিষ্ঠানে দাখিল করলে বৃত্তি স্থানান্তরের ব্যাপারে সংশ্লিষ্ট অধ্যক্ষ কার্যকর ব্যবস্থা গ্রহণ করবেন।
- ১৩। এই বৃত্তিগুলির সংখ্যা, হার এবং সময়সীমা, সময়কাল শর্ত সাপেক্ষ। সরকার মনে করলে কোন কারণ না দর্শাইয়া এইগুলি সংশোধন, সংযোজন অথবা বাতিল করতে পারবে।
- ১৪। মেধা ও সাধারণ বৃত্তির ব্যয় বাজেটের ৩-২৫৩১-০০০০-৫৯৬৩ বৃত্তি/ফলারশীপ খাত হতে নির্বাহ করতে হবে।
- ১৫। জেলা হিসাব রক্ষণ / উপজেলা হিসাব রক্ষণ অফিস হতে বৃত্তির টাকা উত্তোলন করে বৃত্তিদারীদের মধ্যে বিতরণ করবেন। সময়মত বৃত্তির টাকা উত্তোলন না করার ফলে, বৃত্তি তামাদি হলে অথবা বৃত্তির মেয়াদ শেষ হয়ে গেলে তজ্জন্য সংশ্লিষ্ট শিক্ষা প্রতিষ্ঠানের প্রধানগণ দায়ী থাকবেন। কারণ তামাদি বৃত্তি পুনঃবৈধ করতে সরকার অনিচ্ছুক। এই প্রসঙ্গে মহাপরিচালক, মাধ্যমিক ও উচ্চ শিক্ষা অধিদপ্তর, ঢাকা এর সাথে যোগাযোগ করতে হবে।
- ১৬। কোন ছাত্র/ছাত্রীর বৃত্তির মেয়াদ অতিক্রান্ত হবার ছয় মাসের মধ্যে যদি সংশ্লিষ্ট ছাত্র/ছাত্রী বৃত্তির অর্থ গ্রহণ বা দাবী না করে তবে ঐ অর্থ অবশ্যই সরকারি কোষাগারে জমা দিয়ে, সংশ্লিষ্ট প্রতিষ্ঠান, প্রকল্প পরিচালককে জানাবেন এবং ট্রেজারী চালানোর একটি ফটোকপি পাঠিয়ে দিবেন। বৃত্তির অব্যয়িত অর্থ কোন ভাবেই ছয় মাসের অধিক সংশ্লিষ্ট শিক্ষা প্রতিষ্ঠান সংরক্ষণ করিবেন না এবং এই অব্যয়িত অর্থের হিসাব সরাসরি অত্র বৃত্তি প্রকল্পের প্রকল্প পরিচালক বরাবরে প্রতি বছর ছয় মাস অন্তর পেশ করবেন।
- ১৭। সংযোজিত বৃত্তি তালিকায় ছাত্র/ছাত্রীদের নামের পার্শ্বে পূর্বে যে শিক্ষা প্রতিষ্ঠান থেকে পরীক্ষায় উত্তীর্ণ সেই শিক্ষা প্রতিষ্ঠানের নাম উল্লেখ করা হ'ল।
- ১৮। এই বিজ্ঞপ্তিতে অনিচ্ছাকৃত কোন ভুলত্রুটি পরিলক্ষিত হলে তা সংশোধন, সংযোজন বা পরিবর্তন অথবা বাতিল করার ক্ষমতা বোর্ড কর্তৃপক্ষের থাকবে। সে কারণে বৃত্তির টাকা প্রদানের পূর্বে শিক্ষা প্রতিষ্ঠানের প্রধানগণ বৃত্তি প্রাপ্ত ছাত্র/ছাত্রীদের নিকট হতে এই মর্মে লিখিত প্রতিশ্রুতি গ্রহণ করবেন যে, তারা বোর্ডের বৃত্তি সংক্রান্ত নিয়ম ও নীতিমালা মেনে চলবে এবং প্রয়োজন হলে বৃত্তির সম্পূর্ণ টাকা ফেরৎ দিতে বাধ্য থাকবে।
- ১৯। ন্যূনতম ৩.৫০ পর্যন্ত জি.পি.এ প্রাপ্ত ছাত্র/ছাত্রীদের মধ্য হতে বৃত্তি প্রদান করা হয়েছে(সকল বৃত্তি ৪র্থ বিষয়ের জি.পি.এ বাদ দিয়ে প্রণয়ন করা হয়েছে)।
- ২০। কোটা অনুসারে মেধা বৃত্তি বা সাধারণ বৃত্তি বন্টনের সময় একই জি.পি.এ প্রাপ্ত একাধিক ছাত্র ছাত্রী হলে প্রথমে ৪র্থ বিষয় ব্যতীত প্রাপ্ত মোট নম্বরের ভিত্তিতে মেধাক্রম অনুযায়ী তালিকা প্রস্তুত করা হয়েছে। ৪র্থ বিষয় ব্যতীত মোট নম্বর একই হলে সেক্ষেত্রে ৪র্থ বিষয়সহ প্রাপ্ত মোট নম্বরের ভিত্তিতে মেধাক্রম প্রস্তুত করা হয়েছে। ৪র্থ বিষয়সহ মোট নম্বর একই হলে পর্যায়ক্রমে বাংলা, ইংরেজী এবং সাধারণ গণিতের নম্বরের ভিত্তিতে মেধাক্রম নির্ধারণ করা হয়েছে।
- ২১। কোন বৃত্তিপ্রাপ্ত ছাত্র/ছাত্রী শিক্ষা প্রতিষ্ঠানে ভর্তি হবার পরে ভর্তি বাতিল করে যে শিক্ষা প্রতিষ্ঠানে ভর্তি হবে সে শিক্ষা প্রতিষ্ঠান নিয়ম অনুসারে বৃত্তির টাকা উত্তোলন করবে। তবে প্রথম বৎসর বৃত্তির টাকা উত্তোলন করে থাকলে মোট মেয়াদের এক বৎসর বাদ দিতে হবে।
- ২২। এই তালিকায় কোন ভুল ত্রুটি পরিলক্ষিত হলে বৃত্তির চূড়ান্ত তালিকা (বিজ্ঞপ্তি) প্রকাশের ১(এক) মাসের মধ্যে অত্র বোর্ডকে লিখিতভাবে প্রয়োজনীয় তথ্যসহ জানাতে হবে।
- ২৩। শিক্ষা প্রতিষ্ঠানে ভর্তির বৃত্তি প্রাপ্ত ছাত্র/ছাত্রীদের তালিকা সংশ্লিষ্ট শিক্ষা প্রতিষ্ঠান অবশ্যই তাদের তালিকা প্রকল্প পরিচালক/জেলা শিক্ষা অফিসার বরাবর প্রেরণ করবেন।

২৪। কোন বৃত্তি প্রাপ্ত ছাত্র/ছাত্রী এক প্রতিষ্ঠান হতে ছাড়পত্র গ্রহণ করে অন্য প্রতিষ্ঠানে ভর্তি হলে সে তথ্য প্রকল্প পরিচালক / জেলা শিক্ষা অফিসার বরাবর প্রেরণ করবেন।

২৫। কোন ছাত্র/ছাত্রী কোর্স বদল করে পুনরায় প্রথম বর্ষে ভর্তি হলে মাউশি, বিশেষ বিবেচনায় তাকে বৃত্তি ভোগের অনুমতি দিতে পারবেন। যদি এরূপ কোর্স পরিবর্তনের ফলে তার এক শিক্ষা বর্ষের অধিক নষ্ট না হয়।

২৬। যদি কোন ছাত্র/ছাত্রীর বেলায় এরূপ দেখা যায় যে, স্বাভাবিক কোর্স সম্পন্ন করতে, তার এখতিয়ার বহির্ভূত কোন কারণে স্বাভাবিক সময় অপেক্ষা এক বৎসর অতিরিক্ত সময় লেগেছে তবে তাকে প্রকল্প পরিচালকের পূর্ব অনুমতি সাপেক্ষে বিশেষ কেইস হিসাবে বিবেচনা করে বৃত্তি প্রদান করা যেতে পারে, তবে এই ক্ষেত্রে শর্ত থাকে যে, উল্লিখিত বিশেষ কেইসের ক্ষেত্রে কোন মতেই এক বৎসরের বেশি সময় অতিক্রম করা যাবে না।

পরিশিষ্ট - "ক"

বৃত্তির স্তর	মাসিক হার	এককালীন অনুদান প্রতি বৎসর	মেয়াদ/সময়সীমা
মেধাবৃত্তি	৪০০/-	৬০০/-	২(দুই) বৎসর
সাধারণ বৃত্তি	২২৫/-	৩০০/-	২(দুই) বৎসর

পরিশিষ্ট - "খ"

বোর্ড ভিত্তিক মেধাবৃত্তি প্রাপ্ত ছাত্র/ছাত্রীদের সর্বনিম্ন GPA

বিজ্ঞান শাখা		মানবিক শাখা		ব্যবসায় শিক্ষা শাখা	
ছাত্র	ছাত্রী	ছাত্র	ছাত্রী	ছাত্র	ছাত্রী
৫.০০	৫.০০	৪.৮৮	৫.০০	৫.০০	৫.০০

জেলা ভিত্তিক সাধারণ বৃত্তিপ্রাপ্ত ছাত্র/ছাত্রীদের সর্বনিম্ন GPA 'ছক'

ক্রমিক	জেলার নাম	জেলা ভিত্তিক সাধারণ বৃত্তিপ্রাপ্ত ছাত্র/ছাত্রীদের সর্বনিম্ন GPA					
		বিজ্ঞান শাখা		মানবিক শাখা		ব্যবসায় শিক্ষা শাখা	
		ছাত্র	ছাত্রী	ছাত্র	ছাত্রী	ছাত্র	ছাত্রী
১	২	৩	৪	৫	৬	৭	৮
১	পটুয়াখালী	৫.০০	৫.০০	৪.৩৮	৪.৪৪	৪.৭৫	৪.৭৫
২	বরগুনা	৫.০০	৫.০০	৪.৩৮	৪.৫০	৪.৮৮	৪.৮৮
৩	বরিশাল দক্ষিণ	৫.০০	৫.০০	৪.২৫	৪.৬৯	৪.৮৮	৫.০০
৪	বরিশাল উত্তর	৪.৮৮	৪.৮৮	৪.৩৮	৪.৬৯	৪.৭৫	৫.০০
৫	পিরোজপুর	৫.০০	৫.০০	৪.৩১	৪.৭৫	৪.৮৮	৪.৮৮
৬	ভোলা	৫.০০	৫.০০	৪.১৯	৪.৭৫	৪.৭৫	৪.৬৯
৭	ঝালকাঠী	৫.০০	৫.০০	৪.৩৮	৪.৬৯	৪.৮৮	৫.০০

স্বাক্ষরিত

মোঃ আবদুল মোতালেব হাওলাদার-(৭০১৮)


সচিব

মাধ্যমিক ও উচ্চমাধ্যমিক শিক্ষাবোর্ড

বরিশাল

অবগতি ও প্রয়োজনীয় ব্যবস্থা গ্রহণের জন্য অনুলিপি প্রেরণ করা হলো।

১. মাননীয় সচিব, শিক্ষা মন্ত্রণালয়, গণপ্রজাতন্ত্রী বাংলাদেশ সরকার, বাংলাদেশ সচিবালয়, ঢাকা
২. মহাপরিচালক, মাধ্যমিক ও উচ্চ শিক্ষা অধিদপ্তর, বাংলাদেশ, ঢাকা
৩. মহাপরিচালক, বার্তা বিভাগ, বাংলাদেশ জনসংযোগ দপ্তর, ঢাকা
৪. প্রধান হিসাব রক্ষণ কর্মকর্তা, শিক্ষা মন্ত্রণালয়, ৪৫ পুরানা পল্টন, ঢাকা
৫. সচিব, মাধ্যমিক ও উচ্চমাধ্যমিক শিক্ষাবোর্ড, ঢাকা, রাজশাহী, চট্টগ্রাম, যশোর, কুমিল্লা, সিলেট ও দিনাজপুর
৬. বাংলাদেশের সকল ডিভিশনাল কন্ট্রোলার অব একাউন্টস
৭. উপ-পরিচালক, মাধ্যমিক ও উচ্চ শিক্ষা অধিদপ্তর, বরিশাল অঞ্চল, বরিশাল
৮. অত্র বোর্ডের আওতাধীন সকল উপজেলা নির্বাহী অফিসার
৯. বাংলাদেশের সকল জেলা হিসাব রক্ষণ অফিসার/ উপজেলা হিসাব রক্ষণ অফিসার
১০. বাংলাদেশের সকল উপজেলা মাধ্যমিক শিক্ষা অফিসার
১১. বরিশাল শিক্ষা বোর্ডের সকল অফিসার
১২. জন সংযোগ বিভাগের পরিচালক(বার্তা বিভাগ), বাংলাদেশ জনসংযোগ দপ্তর, ঢাকা (বৃত্তির তালিকা দৈনিক পত্রিকার মাধ্যমে প্রকাশ করার জন্য অনুরোধ করা হলো)
১৩. উপ-পরিচালক, বাংলাদেশ সরকারি মুদ্রাণালয়, তেজগাঁও, ঢাকা
বৃত্তির তালিকাটি বাংলাদেশ গেজেটে প্রকাশ করে উক্ত গেজেটের দুটি কপি প্রমান ও সূত্র সংরক্ষণের জন্য শিক্ষা বোর্ডে পাঠাতে অনুরোধ করা হলো।


১৬/০২/২০১৫

মোঃ আবদুল মোতালেব হাওলাদার-(৭০১৮)
সচিব
মাধ্যমিক ও উচ্চমাধ্যমিক শিক্ষাবোর্ড
বরিশাল